



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Nuclevs Coppensteinivs Conceptvvm Prædicabilivm In  
Dominicas Festaqve omnia per Annum**

**Coppenstein, Johann Andreas**

**Mogvntiæ, 1624**

Concio Qvinta. De gloria corporum beatorum.

[urn:nbn:de:hbz:466:1-51556](#)

1. Hinc S. Scriptura docet, Angelos aliqua ignorare; tametsi Deum intueantur,  
2. Hinc superiores insinuant inferioribus.  
3. Et S. Patres docent Angelorum scientiam usque ad extremum iudicium crescere.

*Qua late  
pact.*

Denique August. 11. Ciu. c. 2. & Lin Genes. 22. duplēm constituit Angelorum, (similis & Beatorum est.) scientiam. Matutinam: qua norunt omnia in Verbo. Vesperinam, qua eadem in seipsis norunt per formas proprias intelligibiles. Beati quoque videndo Deum, simul & res creatas vident, penitusque pernorunt, tanquam effectus in causa omnium, quae est Deus, unde dependent. Atque ita etiam voluntas in omnibus delectatur. Vnde Psal. 16. *Satidborum apparuerit gloria tua.*

## CONCIO QVINTA.

*De gloria corporum beatorum.*

**M**oyses, Exod. 15. cum in monte Sinai cum Deo secretius egisset, tali & gaudio & gloria mente eius perfusa fuit; vt quoq; per faciem emicaret, ad instar Solis relucentem. Quid eo, nisi glorificari corporis data figura fuit?

Circa quod nos

- I. *De glorificatione corporum.*
- II. *Dere surgentium corporum perfectione.*
- III. *De quatuor dotibus corporum glorificatorum.*

## P A R S I.

*De glorificatione corporum.*

*E*sta de f. 1. Adem fide & animarum beatitudine, & gloriā credimus corporum. Par est enim, vt compassa, inediis, castigationibus, ærumnis emacerata corporis etiam conglorificantur. 1. De quo Iob. 17. Scio, quod redemptor meus vivit, & in nouissimo die resurrecturus sum, & circumdabor pelle mea, & in carne mea videbo

Deum Salvatorem meum: quem visurus sum ego ipse, & oculi mei conspecturi sunt. Reposita est hec spes in sinu meo. q. d. Non uicerofus semper in timore sedebis: oculi non usq; lacrymis diffluetis: latiora sequentur. &c. Ita & Psaltes se consolabatur, Pl. 29. Concidisti sarcum meum, & circumdedisti me letitia. id est, circundes me Deo ipso, Angelis. Diuis.

II. Mardochæus, Esth. 2. lugebat in fac- Declaratio cubans humi, ac iejunans carnem ma- tur Figuris cerabat. Athoste sublatu. Secundus à Re- & Scri- ge fulgebat purpura, corona, annulo. &c. prante. Ita, qui nunc patiuntur, mortui resurgent incorrupti. & nos immutabimur. Oportet enim corruptibile hoc induere incorruptionem, 1. Cor. 15. vt assumpti in aulam coram Re- ge appareamus. 2. Dauid quamdiu cum Golia deceritauit, pastorē indutus erat: at eo deuicto Regis generum sese cultu' gerebat: Ita nos vili corporis lacinia tecti cum passionibus &c. depugnamus: & Phil. 3. Salvatorem expectamus, qui reformabit corpus humilitatis nostra, configuratum corpori claritatis sue, secundum operationem qua possit etiam sibi subiungere omnia. 3. Arca, quo usq; in deserto errabat cum populo, pellibus contexta seruabatur. Exod. 38. At in Salomonæ illata templum iam intus, forisq; puto auro incrustabatur media stans inter Cherubinos. Et nos pelle vestiti peregrinamur à Domino, in melotis, in soliditudinibus errantes: spe futuræ gloriæ choros inter Angelorum.

Obstabunt delicta? Ea diluit poenitentia. En prodigum: Luc. 15. elonginqua re- gione redux, lacer ac macer, sui poenitēs, Patri supplex suscipitur, penula exuitur pannosa, stola induitur glorioza, epulo tractatur. Nostra is fortis est typus geminæ: miseræ hic errantium, ac peccantium: beatæ isthic misericorditer suscepitorum. Ibi ecce Apoc. 7. amicti stolis albis. S. Ioseph fratribus in Aegypto fru-

Ffffff 2 men-

mentantibus stolas binas dedit singulis:  
Gen. 45. Ita Deus cœlum ingressis corpus,  
animamque glorificat.

## PARS II.

De resurgentium corporum perse-  
ctione.

*Erit resur- I.* R eparata, rediuitaque corpora de-  
recio. ructorum apparitura Deo fides  
dubitare non sinit. Diu condita sepul-  
chro, luci redditur gloria. 1. Ut Ioseph.  
Gen. 41. ex biennali carcere imo  
productus ad summa omnia.

*Et capillo- rum quoq;  
restitutio.* Nec è puluere solum existent restitu-  
ta corpora; sed omnibus etiam numeris  
perfectissima 1. Nam Luc. 21. Capillus de  
capite vestro non peribit. 2. Barba enim & ca-  
pilli, ait S. Thom. 3. q. 80. art. 2. ad humani  
corporis decorum sunt data, ideoque  
reddentur ablata. 3. Vel pueri norunt cal-  
uitem probro dari, qui 4. Reg. 2. Eliseum  
ab ealudum suum faciebant. 4. Qualia e-  
nimi in arboribus sunt folia ad defensio-  
nem fructuum, talia in hominibus vnu-  
gues, & capilli, cilia, & supercilia.

*Atque hu-  
morum  
corporis.* Idem de corporis succo, venarumque  
humorib. iudicium esto. 1. Quia quod-  
cunque ad corporis fabricam pertinet,  
cum ipso quoque resurgere debet. Sed  
ista: ergo. 2. Nam sic Augustinus, Corpus  
confat ex membris officialibus, officialia ex co-  
similibus, consimilia ex humoribus. 3. Quid  
multa? Quale Christi resurgentis Corpus  
fuit ac permaneret; tales & nos erimus beati:  
Nec enim Dominus, ut Ioa. Damase-  
nus ait, quod semel assumit, vñquam  
dimisit: alioquin de nihilo in Eucharistia  
asseretur Transubstantiatio.

Istud vero 1. Cor. 2. Caro & sanguinis re-  
*Sine carnis gnum Dei non possebunt:* de carnis operi-  
molestia & bus accipias necesse est: de quibus Gal. 5.  
indigentia. Manifesta sunt operacarnis. Nā, Mat. 22. in cœ-  
lo neg<sub>3</sub> nubet, neque nubetur: Ita nec dormi-  
tio erit, nec nutritio, vel alteratio carnis.

Costa autem Adæ, è qua Eva extitit,  
resurget in Eva; non in Ada. Quia in Ada  
non erat de perfectione individui; Sed vt  
pars à Deo ad augmentum speciei consti-  
tuta. Ea igitur resurget velut semen in  
generato; non in generante.

II. Neque claudi, cæci, aut quoquo  
modo defectuosi resurgent. 1. Prohi-  
bethoc Deus sicut, 2. Reg. 5. David, ne  
claudus vel cæcus templum ingredere-  
tur 2. Noluit item Deus, Gen. 21. Deut.  
15. ab habete nœnum panes propositionis  
offerri, vel ministerium vllum attingi,  
aut defectuosum intra velum introire:  
minus in cœlum. 3. Hic non claudicabit  
Jacob, non caligabit Isaac, non cæcutiet  
Tobias: sed Isa. 35. saliet sicut ceruus claudus.  
4. Christo in carne veniente cæci vide-  
bant, claudi ambulabant: magis eo in  
gloria venturo. 5. Israelitis Aegypto ex-  
euntibus nullus erat debilis, minus quis-  
quam armatorum, qui erat 600000. Ps.  
104. Non erat in tribubus eorum infir-  
mus. 6. Ita, Apoc. 7. Qui venerunt ex tribula-  
tione magna, & lauerunt stolas suas in sanguine  
Agnit: ideo sunt ante thronum die ac nocte in  
templo eius: neque esurient, neque sitiens am-  
plius, neque cadet super illos sol, neg<sub>3</sub> vllus aestus,  
absterget Deus omnem lacrymam ab oculis eo-  
rum. 7. Isa. 25. Præcipabit mortem in semp-  
ternum, & auferet Dominus Deus lacrymam  
ab omni facie.

III. Quin & eadem in ætate resurge-  
mus omnes. 1. Eph. 4. Occurremus omnes in te perfida-  
virum perfectum, in mensurā & atris plenitudi-  
nis Christi. Psal. 102. Renouabitur ut Aquila  
iumentus meus; quasi foret in ætatis anno 30.  
iuxta Augustinum. D. Th. 4 sent. dist. 44.  
q. 1. art. 5. & p. 3. q. 81. art. 2. Itaque par om-  
nium statura erit, non tamen eadem in  
qualitate corporis.

Ita consolantur in aduersis, & asperis.  
Ita August. in Enchir. Frangant ergo corpus  
ieiunia, premant carnem vestimenta, labores

gra-

grauent vigilia exsiccant, &c. infletur stoma-  
chus, palleat vultus, deficiat in dolore vita  
mea, & anni mei in gemiis, ingrediatur pu-  
tredo in ossibus meis, & subter me scateat ut re-  
quiescam in die tribulationis, & ascendam ad  
populum accinctum nostrum.

## PARS III.

*De quatuor dotibus corporum glorifi-  
catorum.*

**D**Otes glorificati corporis præcipue sunt quatuor. I. IMPASSIBILITAS 1. Cor. 15. Seminatur in corruptione, & resurget in incorruptione. Quicquid enim pati, idem & corrumpi potest. Sed non corruptentur: ergo nec patientur glorificati. 2. Dein fortius non patietur ab inferiori; at Sanctorum corporibus nullum erit fortius: Nam 1. Cor. 15. Seminatur in infirmitate, resurget in virtute, & potentia. 3. Bene S. Anselmus ait. Sancti etiam Samsones robore vincent. 4. Gloriabatur Archimedes; Si pedem extra mundum ponere posset; se terram pede propulsurum ut globum. Vanum hoc: at verum Sanctis terram in star pilæ futuram. 5. Quod si igitur Dei nutu Israelitarum vestes intra 40. annos peregrinationis illæsæ durarunt, quanto magis Sanctorum corpora in patria? 6. Plane quæ immunita sunt à morte Duce, etiam ab eius satellitio morborum, dolorum, & accidentium sunt securi.

At unde ea existet impassibilitas? 1. Non quod elementa tunc aduersantes suas qualitates corruptrices sint perditura: quia sic forent, quam modo imperfectoria, ac plusquam emasculata suis propriis. 2. Alii singunt non admendas iis qualitates, sed actiones earum corruptrices. At ita admunt intrinsecum do-  
tem impassibilitatis corporibus glorificatis. Nam sic etiamnum esse impatibilis possumus. 3. Alii quintam essentiam

affingunt glorificatis. Absurde. Non enim vis vlla naturalis corpora solidabit: Sed Ipse Deus reformabit corpus humilitatis nostra, Phil. 3. munere diuino.

4. Quare in ipsis causa inerit corporibus, quia tam examissum parebit animæ suæ, quam hæc Deo. Nam axioma est Philosophorum: Omnis passio fit per vi-  
ctorias agentis super patiens: At qui ho-  
minum corpus soli erit animæ subiectum,  
cunctisque creatis cæteris superius: ergo  
& fortius: proinde & inuidum.

II. SUBTILITAS omnium penetrati-  
ua, etiam cœlorum. Nam 1. Cor. 15. Semi-  
natur corpus animale, surget corpus spiritale. Id  
ostendit IESVS resurgens clauso sepul-  
cro, & clausis intrans ianuis. Sequitur i-  
gitur subtilitas ad nobilitatem corporis.  
Hæreses ex ea natas nil moramur. 1. Fue-  
runt enim, qui corpora inspiritus con-  
uertenda dicerent, nec ipsa resurrectu-  
ra. 2. Alii subtilitatem eam fore cor-  
porum rarefactionem instar venti: At  
contra Luc. ultim. *Spiritus carnem &*  
*ossa non habet. Job. 19. In carne mea videbo Deum.*

III. AGILITAS. 1. Nam 1. Corinth.  
15. Resurget in virtute: Vbi Glossa ait, mobi-  
le, & vivum. 2. Qui tarditas est inimica  
spiritui: at qui corpus perfecte erit subdi-  
ctum spiritui: ergo non tardum. 3. Nam ex  
anima beata vis redundat in corpus, per  
quam sit ei tam in integræ subiectum, vt nil  
eius vim motricem retardet. 4. Hinc Sap.  
3. *Sicut scintille in arundinetu discurrunt Ezech. 1. libant, & reuertebantur in star ful- guris. Isa. 40. Assument pennas sicut aquile,*  
current, & non laborabunt: volabunt, & non  
deficient.

5. Si enim intelligentia, vt Arist. ait,  
vt nos, Angeli cœlorum orbes tanta ce-  
leritate impellant, vt dictum Concio. 2.  
p. 5. cum quanta animæ ferent sua cor-  
pora cœlis subtiliora? 6. Angelus Aba-

Ffffff 3 cucum